

養知書屋詩集

養知書屋詩集卷八

湘陰郭嵩燾筠仙著

邵南

破曉寒生雨漸酣  
偶逢小市亦停驂  
千畦護稻牛歸柵  
半港張罾蛤滿籃  
塵鏡曉光泉灑灑  
鬢絲秋影柳毵毵  
三年蹤迹渾無奈  
又逐遊塵入邵南

與李孝廉

仲芳

十年見子長安陌  
車如雞棲篋三尺  
哦詩緩步塵埃間  
可憐爲人好風格  
於今憔悴城東逸  
老作濂溪池畔客  
掩關坐閣日沈階  
蓮風柳浪參差碧  
學徒八九校章句

養知書屋詩集

卷八

一

澠筆鉛黃紛滿席方冠大履坐無箕三晨晏起私自責  
縣尹求賢肯造禮鄰舍驚闕騎屋脊白頭老母時苦飢  
頗致俸餘供菽麥登登磬鼓急公會縱橫抗坐請籌策  
衣無紬繻出無馬泥雨半霑頭上幘國家萬事墮冥昧  
干戈水潦日沈迫千官不救塗炭憂一身直苦乾坤窄  
世人顛倒更相笑吾儕愚賤屬有役君看襤被走塵土  
何似歸山買泉石

愛蓮池

濂溪祠下水平池惆悵伊人寄遠思曲檻微風花似海  
孤亭流水雨如絲新秋雲物空遺宇異代弦歌憶往時

咫尺餘音通磬欬從遊未覺此生遲

偕彭

洋中馮卓懷鄧琮鄒驥迪

四孝廉遊雙清寺遂至

五台菴方丈小酌

千巖上曉日漾舟雲水淨孤亭俯崔嵬眾壑紛趨迎雙  
流道所經秋近波浪盛危機砥要處澄潭遞水鏡石邊  
花木古堅瘦使人敬循椒得遺剎一水相洞涿空庭寂  
無響松枯光照暎點綴蔬茗閒幽賞那能更鐘聲出樹  
遠竹力戛風勁迴薄天地心悠然挂斗柄素心聊爲期  
物外討幽篁

入新化

養知書屋詩集

卷八

二

負郭人家屋數椽依然洎樸古山川塵飛箭灑三年夢  
瓜熟蒹荒六月天往蹟銷沈雲外樹故交淪散雨餘煙  
沱江不比濱江水回首將軍下瀨船

過游孝廉

洎世

飲酒罷見贈次韻三首

暮雨度城陰秋草暗庭宇叢陰臥階石恍怵天尺五脩  
脩南窗竹月出風動戶故畦禾黍肥遠戍關山苦多憂  
愴行吟益爾毛髮古

白雲起南山頗憶猿鶴侶乘時屠酤尊得道魚鹽舉蕭  
條覓飲處清座陳佳醕人心異涼燠世途多齟齬長夜  
把君詩高歌散煩暑

國風十五篇哀音極甚楚蕭然鋒鏑心復此歷年所權  
緡算船輶詎謂絲毫補開懷著罪言展轉巾篋貯秋山  
何處深席往隔塵土

書李孝廉

洽

都城雜志後

回首人間白髮生玉臺新詠劇關情可憐一覺繁華夢  
猶記當年薄倖名亂後關山憐往蹟病餘絃管失歡聲  
秋風舊識蘆溝水百轉千回繞 帝城

過鄒廣文

孔摺

羅洪山莊

與君患難還同役眞見情懷似古人一棹白頭遊宦迹  
半山黃葉著書身舟車權算無閒土鼙鼓驚誼有戰塵

欲爲魚鰕畱庾翼煙蓑歸釣洞庭春

洋溪道中寄題鄒孝廉野鵝山居圖

十年聞說野鵝居萬木蕭森見畫圖小駐雲山如宿約

滿溪秔稻接平蕪嵐光晃盪時明滅塵事誼闐定有無

漸恐官程侵澗路

近聞官驛改由洋溪入澈浦

幽棲何地著潛夫

十里山

石級攀援盡日勞晚尋村路出蓬蒿牆垣地僻雞豚狎

草樹秋深雉兔豪夜久星河窺戶近晴多沙石挾灘高

驚濤一枕愁無寐斗覺霜華上鬢毛

黃板橋

秋風萬里數江程猶賸瀆湘一水清黃板橋南舊茅屋  
夜涼支枕聽灘聲

半山

山市人家水一坳晚蘭抽箭菊含苞微風漸起疏林杪  
落日猶銜野竹梢萬國衣冠避戎馬故園門巷滿蠨蛸  
半山尙有前朝宅已辦扶藜伴結茅

飛鵝潭

飛鵝潭上水鮮澄直下瀟湘萬里騰夢裏忽隨東去浪  
千帆斜日過巴陵

馬蹏界



匹馬山川界羈人歲月淹  
藤蘿秋在壁星斗夜平檐  
世變縱橫出吾行出處兼  
重歌歸去引此意愧陶潛

小雨旅次青蠅滿帷孤鐙無寐  
惓然成詠

西風落葉灑征衣  
驛樹經秋減舊圍  
暮雨村墟貪客過  
飢鳥庭院背人飛  
病憐兒女嬌容損  
夢覓干戈隙路歸  
何事青蠅劇相弔  
故山心事十年違

石子坳

數家成小聚  
獨樹表孤巖  
泉細階除過  
雲深洞壑緘  
晨霜凋鬢髮  
夜雨響松杉  
黃獨秋來盛  
歸求木柄鐮

首望山高處

川原回合接林垆舊壘如聞戰血腥斷角頽垣塵漠漠  
夕陽荒冢草星星青山一髮江南北黃葉千家酒醉醒  
危世生才終已矣安排吾道付沈冥

鄧小渠約展王處士

治模

墓

不獨知交惜此君郡人猶解重遺文他鄉烽火參軍檄  
隔歲蓬蒿處士墳山徑飽添秋後雨客愁低挂斷空雲  
西城預想傷心路日暮嘒鴉不忍聞

曉渡濱江

艤舟城西旁侵曉氣蕭瑟微風水際生蕩漾海東日霜  
嚴草木靡水縮沙渚出哀湍激頑石入耳神淒慄萬軍

呼號慘視此雷霆疾囂然塵海內爭奪無時畢肝食憂  
黎元征行棄家室縕裘犯星露敢惜微賤質淒涼扣舷  
歌蕭索采芝術微生竟何成感歎還自失

送葆刺史

亨移守常德

使君手笏是甘棠家世從來魏杜行古郭旌旗兼地遠  
秋風笳鼓接天長昨宵燈火來今雨一棹雲山正夕陽  
努力時危要英傑風塵吾已鬢眉蒼

瀟湘九水接江回浩蕩盧循信去來五馬欲尋漁父洞  
萬軍猶擁定王臺憂時賈誼無餘策諭蜀相如自薄才  
聊共酒尊寬笑語城頭吹角夜還哀

濟勝巖

振觸閒愁到酒邊孤巖來埽古苔眠泉潭晃盪雲藏路  
洞壑低昂竹埽天細雨孤城斜度鳥夕陽古寺亂鳴蟬  
眼中旌節諸君在且作題名萬嶺顛

仙院

去城五里近逶迤平野隘陰峯障層坂脩篁遞虛籟盤  
陀古仙人壘石作營砦挺如奇鷹立側若飛龍挂迴旋  
首盤髻端直躬秉玠炯炯軒圖陣肅肅義分卦梯架般  
倕工皴點營邱畫劃空巖敞穴滄罅泉引派岷藩有遺  
蹟灑石如披薤至今雜苔蘚斑駁成壁疥荒山閱人蹤

靈境關何代眞仙去無迹遺此恣荒怪賓然呼石兄勉就老顛拜

與鄧上舍

釋

周詩蓋三百感憤寄所宣阮公酒自汙繁章美清筵子昂困小吏乃有感遇篇人生能幾何踳屈天地間杞人仰蒼昊危坐煩憂煎蟾蜍蝕明月里鼓聲誼闡詩流多古風感激身迍邐梁鴻歌五噫班史錄其賢

誰聞魯連高佶屈掉長舌田嬴兩戲耳投閒取高節桃椎本竄人齎志就巖穴蓬蒿肅軒蓋虛聲頗忝竊仙人王子晉躡雲履芳潔俯視塵埃間萬古一蠓蟻發聲醒

羣聽清風灑蘭雪

里音盛蛙黽聒耳亦云猥孤吟耿幽怨對面隔山海登  
高望川嶽日夕浮雲改長鯨負鱗鬣旆旆光璀璨一怒  
湮九州堯民彼何罪蒼葭晞白露寸心渺千載短歌歌  
明月光景豈長待

昔我遊衡山幽棲蔭巖樾故人就煨芋對影珊珊骨出  
門一驤首英風偃溟渤沈霾塞曠野寒空照妖孛白衣  
領元甲再起樓船卒租庸減常調民力嗟猶竭吾哀征  
夫飢當餐覩茹蕨長卿晚諭蜀齒冷心岷岷蕭颯首飛  
蓬仕隱何時決

微風蕩林木肅肅和且敦坐起晞予髮振袂生朝暎卷  
卷西來雲忽如款我門出門走從君臥舍如荒村掉筆  
垂空文浩若九河翻多才安所施以膏自煎燔涼秋颯  
然至飛雨灑南軒桂實黃已殞聊爲倒芳尊

桂花樹下飲酒至夕

少年愛花隨處家祇道歲月來無涯眼看生意年年謝  
花開花落成長嗟退思堂前五株桂爛漫又著秋來花  
今年花事計數盡得醉莫惜嘔昏鴉絳雲漫空送飛霞  
濃香泛浥披晴霞試揀繁枝挂鸚鵡翠蕤雲帔紛交加

金曉嵩攜挂  
鸚鵡枝上

屈原離騷攬芳芷不見古榦攢仙葩嗟予

篤嗜不論命婀娜相對無疵瑕自憐歲歲花經眼把盞  
更削秋園瓜蠻方相待畱手迹移栽兩樹新萌芽明年  
花開應更盛坐視日月如轉車盛衰榮落復誰料祇恐  
兩鬢摧霜華餘芳墮地坐客散耿耿白日西南斜  
武岡邸舍開戶見雲山感而有作

南村舊有雲山作一攬雲煙萬壑哀今日風流諸老盡  
名山几席待誰來曉窗澗壑通微徑晴日松篁拱廢臺  
攬勝懷人終古意不辭相對日千杯

旋巖晚步遂至明公寺

高林隱斜暉日色亦未晚溪橋得微步意行無近遠青



蒼巖際樹壞寺出晴巘適逢浮雲起忽與飛鴉返皇天  
無雨澤冬陽肆驕蹇但見旋巖溪寒榛蔽枯堰軍乏急  
誅求田荒費疏墾要知歲豐薄固是安危本我亦蓬塊  
間荷鍤親露晚艱虞觸所歷顧步增繾綣

蓼溪

自揀松枝挂酒壺此情覺與世人殊溪橋小驛陰初合  
野草斜陽澹欲無石礪分灘翻水碓巖泉通笕入山廚  
小畱莫訝西風急浩蕩乾坤一杖扶

高沙樟樹歌

高沙市後古樟樹負雪崔嵬立官路賴鐵平穿蛇虺根

蒼藤半卷蛟龍霧兩株盤鬱尋丈地輪囷蕭瑟豈天意  
雲氣橫通石屋山泉源倒灌鍾滄寺啞啞枝上嘯寒鳥  
侵晨舉翮聲相呼高柯大葉陰巢窟停蓄百怪張通衢  
山川突兀有更變人世荆棘多難虞干戈盜賊鬪未已  
憂見巨榦成枯株梗枻萬木滄江入熱火燎空照愁泣  
君不見瀟湘野客樟樹邊暝踏泥沙望雲立

九日遊袁氏園

去年重陽瑞昌縣萬馬咆空待酣戰旌旗漫山煙霧愁  
狂呼下掣如雷電短衣歸來纔一夢風塵萬事滄桑變  
堪悲不及去年人崩崖瀉淚長河濺

名園靜與松山對寒日生林乍明晦白雲一片忽飛來  
密柚長藤杳何代淮湖戈戟浩如海狂歌縱飲浮生內  
差我二石空庭幽誰能持此鎮橫潰

園有巨石二

少年愛花乞花栽菊花紅紫高崔嵬黃茅城頭一壺酒  
白日倒映青林開重臺雪萼不復見數枝叢委矜凡材  
牆根薄倚照顛顚明日風雨空塵埃

皇天高高不得語指揮日月驅寒暑短垣叢藿號鳶鷂  
細路黃蒿竄狐鼠洪波揚天秋雨急東下淮徐控強楚  
彎弓上馬不得飛低眉自恨柰何許

迴溪東出巖臺峯十里一堠連長烽捷書日報道里靜

晴秋白晝黃梁春滇南官銅缺鼓鑄川楚穀賤還傷農  
空持一身在曠野暝棄萬事傾千鍾

寄李洽

時病  
盲

嚴冬十月霜風緊蒲葦半折枯榦實念君晏坐楓樹林  
屋破仍愁風雨窘少年豪宕鬪身健垂楊彈鞚無停軫  
載酒時經遊俠場結交但指篴篥引蓬萊故人在天末  
有似碧漢排銀筍晚蒙博士慰沈淪短鬢單衣真一哂  
要持詩律調宮角頗見筆勢窮蚍蜉黃金到手祇愁空  
時覆瓶罌倒倉困干戈連歲黯吳楚書生搏擊慚秋隼  
礪東老死南村荒眼看著舊風流盡故應閉日向時人

奔走誰能校工蠹蕭齋無人三日臥起見日月當空隕  
羲和失御暗昏晝呵壁捫天還自閔聖賢寂寞古所歎  
病商窮左猶可忍且羞鼓篋學支離肯爲雨立嘲陛楯  
得失從人辨涇渭往來信步無畦畛君不見張籍樂府  
杜欽經當日賢豪徒泯泯

喜聞官兵復武昌

楚境縱橫半九州沈淪何止漢樊憂頓收鄂岳經營地  
重睹關河戰伐秋萬里孤軍成創局三吳全勢要深籌  
腐儒荒徼宣威德喜極翻成涕泗流

寄朱太守三兄

孫詒

三年身世已蹉跎楚雨吳雲恨若何  
領郡旌麾向邊遠沿江鼓角入秋多  
荆衡漸達中原路潁邵微生別後波  
此後澄清須報可獨慚孤枕傍雕戈

十月一日

蠻方秋盡瘴雲蒸此日吟遊憶昔曾  
煙雨樓臺霜後柳湖橋歌管夜深鐙  
對村水淺尋蘇堰草蔓垣頽拜宋陵  
歷歷山川戎馬隔夢回清興冷如冰

出南城郭外微雨忽霽望雲山

峭風吹雨城南路七一峯頭有晚曛  
石鼎寒融秦代雪香鑪晴挂楚天雲  
望邊鐘磬冰霜路愁裏煙塵郢鄂軍

安得盧侯相接引，高通呼吸九霄聞。

赤竹鋪

赤竹古時驛，蘋松到處山。凍雲依日薄，欹石傍人頑。萊  
蕪冬逾大，柴荆晚亦閒。無才甘賤役，終歲有躋攀。

岐塘

雨雪雲山色，岐塘此日寒。墟煙通驛小，嶺瘴入冬殘。異  
俗烽兼警，孤亭酒半闌。老來才更盡，眞作畏途看。

獨遊西巖寺

層巖遞落日，孤壑聞疏鐘。尋聲蒼翠間，晚寺煙濛濛。清  
溪轉回巖，入戶響已空。徘徊樹間月，漸度西南峯。山僧

歡客至起立支枯筇白雲何自來卷舒爲君容參差寺  
樓上落木寒山重離離挂天星獨與故園同我來竟何  
營愧此避俗翁空堂亦不靜謖謖鳴松風

與陳尉觀峽口置防處

晴秋萬里接煙塵下馬來看戰壘新水蹙泉潭深澹沲  
天開山石峭嶙峋因緣飛鳥投青壁傳說神魚湧赤鱗  
形勝古來容易有老罷當道定何人

陸廣文

協恭

見和峽口詩卽贈

崢嶸硤石題詩處幽澗寒雲寄興孤誰其歌吟山寂歷  
卻看林壑路盤紆所思遠道張衡賦何處扁舟范蠡湖



惆悵湘西秋柳色夕陽多似故山無

鷹

胡鷹呼雲下雲端刮食雞兔無畱餐收條著鞬意有俟  
主人養鷹如養士幡幡毛血灑平蕪庖廚三時一物無  
尉羅虛張谿壑滿金眸鋏爪誰相伴鷹乎自獵毛骨奇  
何不反顧爲鳩時

洞口山東北至林家溪

巖呀谷很各殊狀劃斷青蒼列橫嶂撐突時捫開闢石  
沈陰不斷朝昏瘴何年疏鑿出林野晴秋日氣川巒漲  
谷風嘘雲送餘暖草木漫山猶健壯麇麕穴壁鴉翻洞

梯空架屋頗開扃。蠻童引婦走蓬沓。支牆一榻茶煙颺。  
槿葵壺蘂叢鎖碎。點綴巉岳作屏障。蒼松離立一俯仰。  
雲煙半埽青天上。飛猱導客纔一線。斷石懸崖屹相向。  
安得神工揮巨手。移置瀟湘阻平曠。白日當關虎豹氣。  
蒼根倒偃黿鼉浪。窮荒幽閼獨何事。天與荒寒定難量。  
江湖流浪豈天意。層邱立馬東南望。澗泉山湫如響答。  
欲問行藏窮得喪。誰能襍被走塵土。一身輾轉叢譏謗。  
拂衣還耕江上宅。日暮門橫山一桁。

### 黃金洞

洞門始開鑿。絕徑闢榛茸。高穹一摩盪。菁荀塵霧擁。吟

呀太古石陡削巨靈捧  
刷如壓我頂屹立山邱重  
颺颺無根株垂天狀騰涌  
猶風撼犀豁崖崕森欲動  
下臨寒澗深嵌竇走呼淘  
金沙光細碎草木寒淒竦  
山川蓄寶氣洶浪無停踵  
物利水泉豐雲構飛薺聳  
百年煙塵清九土山河拱  
吾行覓幽處采掇芝田種

空明溪

清溪可盤遊山勢稍疏散  
風吹積石下天趁迴巖斷  
脫險崢嶸顛畫步青冥半  
長松偃濤瀨叢木列帷幔  
奔騰萬山伏掩閃平如案  
轉壁見高張再起殷寥漢  
自古要荒地但取狐狸竄  
乾坤一驂贖侵奪乘衰亂  
曦陽失照

灼陰森蓄叢藿地勢使之然使我長喟惋冥鴻唳層空  
神鷗翔汗漫豈無沈冥士撫景寄遐玩飯牛有奇逸側  
耳南山粲

馬鞍砦

客行入危途徑仄山壅遏冥冥煙霧深青蒼見松栝修  
柯排陰森乾坤失清豁俯身蒙密內挂足青冥末風懷  
水泉慄路暝蓬麻奪柴荆掩歡笑薯蕷丐存活豈知江  
漢人烽火照誼聒昊天斂寒曦霜雪示迴斡阻深陵阪  
窮摧動柯葉脫中原含格鬪豐歲死飢渴捫攀白日晚  
仰空書咄咄

鐵山廟

連陰蔽層阪溪盡松風轉溟濛出寺幽突兀壓崖淺捐  
簷樹疏密穿檻雲舒卷風林散寒籜日色遞晴巘危階  
殷殘鐘壞碣臥叢蘚幽房燒筍蕨舊俗種椒苻年豐有  
餘糧飽食到雞犬窮荒事歌謠蓬沓相婉孌端資神靈  
雨得及歲功葢鈴鐃山霧滯幢幟溪風善古來寇亂興  
飢餒憂不免用知旋斡力庶規妖氛殄泛祀有禱禳何  
必稽令典周旋蠻徼俗倚巖寄遐緬

龍王宮

元雲出石竇陡削天所限兩巖對高撐一徑通巉嵒鳥

翔怯闐闐拍壁飛戩戩奔號犀牛峽百瀆司管鍵豈必  
神龍蟠騰掉出朽棧捫窺犬蹟石未半已臥喘尺寸崖  
壁間竊據雙目睥僥倖親豚羔巍峩被冠冕盤陀竿旛  
直倚附林壑顯悽惻望衡湘沈淪迫江河昭昭天地肅  
引涕巖泉泣

三門

羣峯如脩蛇偃仄天一握勢盡西南蟠迴崖抱林角傳  
聞古石竇門限森犖嶭潛蛟一騰踊散石如飛電至今  
崖塘水蕩滌出頑濁峯巒類攢聚一一排劒稍崗市集  
荒詭獠俗多躑駘壅蔽崇姦頑昏蒙笑禮樂想見古皇

心巡方陟喬嶽蠻方限陋俗冥昧誰復覺羲燧開闢功  
予懷寄絲邈亦有山間人抱耒棲醇樸

水口寺樓

楚封疆塞三千里禹蹟關河十二州遺寺荒涼深礪路  
亂峯曲折小灘流兩朝猶賸馮唐鬢去國同悲王粲樓  
等是蠻方心迹異一尊權爲看山畱

養知書屋詩集卷九

湘陰郭嵩燾筠仙著

江口見月

客途七見月圓時半轉星河覺夜遲  
秋盡寒生天萬里蠻溪畱照鬢成絲

聞嚴丈方伯

正基

還漵浦適前二日過江口

猿嘯鴉噪瘴煙昏聞道先生返故園  
孤驛小橋前日過白鬢黃綬兩朝恩  
匡時戎馬方馳傳落日蓬蒿獨掩門  
兩載容顏非復昔淒涼身世更誰論  
飲蕭氏園示蕭秀才



羣山西來勢奔蹙兩巖高張暗深谷墟煙忽散林麓明  
隱隱斜陽挂疏木奔湍轉右萬壑雷斷壁倒插青天開  
登高卻望來時路惟見積巘低浮埃丹邱白壁一回首  
走覓園池泛尊酒縱橫蘭菊照罍罍惆悵星河闇刁斗  
龐眉拄杖疑隱淪吾亦黃衫白氎巾馳傳相如君莫笑  
時危安用蓬蒿人

石龍橋

曲檻飛樓隱石渠一溪環合數家居南橋煙雨通新市  
北宋風雲拱廢墟落木郵亭聞唳鶴夕陽谿閣照叉魚  
爲耽野興成疏放折竹編籬護澗蔬

橋亭野望

野橋官路草離離已是霜寒漲落時  
斷雁忽隨雲聚散澹煙微露嶺參差  
高身大舸滄洲別幽澗深林皓首期  
溪畔老松君看取蠻天畱護歲寒枝

新市

新市橋邊柳十圍歲晚地僻行人稀  
渚魚園筍隨意長谷鳥溪雲相伴飛  
荒村酒賤少滋味野塞日薄無光輝  
瀟湘洞庭兵滿眼青眼高歌何處歸

偶步尹氏園

晴雲不斷楚天長三尺柴門一草堂  
古驛疏煙乍明滅

寒蔬小圃半青黃閉門芋栗供生計落日松杉似故鄉  
郡邑噉噉少生理亭陰酒罷轉淒涼

聞雁

雁聲不度澤南州古戍西風聽更愁寂寂江天明月夜  
來時應識秣陵秋

下山岡

絕壁迴巒著處迷西風吹我一攀躋山從過硤行時斷  
雲傍飛鴉去路低采藥崗猿收露草安槽水磨響晴溪  
更乘落日登高嶺悵望川原多鼓鼙

奉寄夏方伯

廷樾

三首

三年盜賊氣殊驕  
江漢重逢疹癘消  
想得歡呼迎節鉞  
定應疾苦問芻蕘  
唐封府衛兵虛耗  
漢詔循良語寂寥  
二十年來能辨此  
廟堂端拱聽簫韶

橋山淚灑鼎湖寒  
蘊孽潯梧已揭竿  
薄海旌旗雲浩浩  
秋原星斗夜漫漫  
上游宣撫仍清望  
他日疆藩或小安  
猶幸畱貽楚南老  
誓師江表涕沍瀾

軍費甯論日萬金  
依然惻怛恤民深  
孤雲南動瀟湘闊  
皎日東馳滄海沈  
白骨荆榛今日淚  
青山松桂向時心  
爲慚書札催行色  
華髮蕭條已滿簪

硤口官閣後同觀古柏樹歌

憶昨豫章之樹官路栽提筆慘慘悲風來天關肅穆白日靜此柏矗立何雄哉穹簷大廡那致此自倚天地窮寄鬼積鐵高摧太古雪崩柯怒捲晴天雷我攜硤口一片石埽階坐閣傾金疊罷筵慘澹樹照席起繞百市生愁猜念昔屯軍九駒嶺斬刈草木窮蒿萊寸根平地竟舍此石壁倒射蒼煙開到今鬱塞風雨夕餘氛尙偃雲濤堆干戈爭奪亦何有但見古榦叢秋苔蒼鷹老鶴慘相顧回風颭沓吹浮埃我生颺颺亦無定到處轉側寒蓬哀揆求奇古到泉石植杖走徧荒山隈驚看此樹重吟賞每至欲去還徘徊古人嗟怨今人笑天寒日暮傷

雄材

硤口題壁

斷雲幽壑自閒閒，曳杖行吟天地間。  
萬里煙霜供獨往，九秋烽火夢生還。  
疏通涓滴蠻夷水，劃斷昏昏羶楚山。  
欲試摩巖中興筆，西風吹鬢已成斑。

硤口爲獠洞總水口過洞卽粵界也

是時粵西大亂而獠洞內多富民餉捐並諭及之

鴟鴞

連山昏曉西南隅，鴟鴞夜半嘯烏烏。  
今晨居然在屋角，啄簷墮瓦相轟呼。  
陰風慘慄隨聲至，牆壁顛頓塵沙俱。  
跳踉誼聒爾何有，自經喪亂多憂虞。  
桀鴞使羣如使雛。

亦有孤處張睢盱專持怪產蕃此地棲棲拍拍音響麤  
翔翎豐滿兩眼枯有肉不足汙庖廚梁間腐鼠豈足嚇  
高聲大唳矜爾愚天網恢恢終豈渝且聽瞬息延微軀  
兒童持竿走復驅繞剔藿莽窮根株挾弓規爾要害處  
絕肮斷脰徒區區

山行雜詩

兵氣關河外秋聲水石間客程天浩蕩異俗地盤環井  
臼家家杵雲煙處處山寒鴉戀鰲薄日晚亦飛還  
雲木山陰合禪宮著處家塔高延晚日溪縮見晴沙石  
溜藤低葉崖霜菊泣花風鈴迴殿閣淒惻入鳴笳

晴久看山色昏沈半帶煙澗禽偎岸小崖石聚苔圓  
日林嵐氣冷風檜柏天奇溫差慰我衣薄久無棉

天地一時小

明方以智題硤口句

真看硤氣嚴斯人山磊砢遺句

石鏐鑱驛路荒榛合山亭落日銜攀登今古意數往讀

書巖

方公隱居處名讀書巖

簌簌辛夷質榮華自一時秋風小搖落此物亦披離棟  
桷羣材謝邱山眾目疑低昂榛栗小委棄故無辭

南荒羣壑水曲折赴寒江宿鴨翻雲碓潛魚守石砭生  
平希禮樂夢寐到旌幢老向雲山裏逢人問酒缸

鼓角殘秋淚風雲壯士懷山川連粵鶴消息斷江淮礙



石通微徑披林得小齋九州皆禹迹歲晚積陰霾

流涕憂王室憑高望眼灰呂蒙樓櫓密陶侃米船迴江  
遠還移幕天清數舉杯捷音頻及我昨日尺書來

嶺瘴朝昏色山郵遠近程石枰欹谷影風枯散灘聲小  
屋荒寒暮孤村黯澹晴巖花無意緒眷眷道旁情

行傳日紛紛川原取次分石欹穿地樹溪暗度山雲萬  
物違常理連峯入晚曛子規冬日有孤客最先聞

眾山猶拱北一嶂自迴東開闢漸漸石晨昏漠漠風洞  
鳴毛羽怪巖獠語言通世事慚何補飄零瘴霧中

府藏窮銖兩軍儲急釜鍾去年曾告貸豐歲轉傷農秔

稻村村屋塵霾夕夕烽要荒勤貢賦此地亦堯封

地僻多藏孽民頑少習儒邊隅疏禮樂世變益難虞張  
魯能輕漢盧循數起吳循良其天下今日委泥塗

符檄紛紛下村廬亦苦誼自多逋藪孽誰照覆盆冤刈  
輦山薑隕蒙雲谷樹昏萌芽始何處斯事信難論

俗尙蠻夷陋人聲市井囂侵攘一錢重談笑五陵豪很  
石巖難小頽林樹易高邠持經國計故故析錐刀

形勝巴黔合江山鼎朗分戈鋌湖外雪烽火嶺南雲杜  
預平吳策湘東檄景文樓船過漢水遺孽尙紛紜

盜賊時興滅傳聞果是非須防山易撼莫倚箭能飛川

楚防維重淮揚貢賦稀萬方皆率土端在總戎機

三年江浦別又過石城秋遠道憂通塞間身任去畱山  
連笳鼓動雲捲旆旌愁自古龍蟠地滄江黯澹流

兵戈多往蹟草木落寒聲古日依崖薄殘鐘度水清巖  
臺通嶺路簪蓼紀溪名亦愧知塗馬關山忽一鳴

遠聞杜陵交江海尙飄零感激非身事遷流自客星風  
霜侵髮白松竹入冬青阜帽何人記雲邊望 闕廷

雉

舊聞相見禮執雉慎周防霑被三時薦低摧百尺翔山  
林愁易覓毛羽或相妨野味諳吾性頻添陸賈裝

鹿

頗亦友麋鹿呦呦出遠林庖廚無擇物山澗有哀音避  
地千人眼瞻天萬里心君王冬狩好賜獲徧朝簪  
橙

故故香橙實登盤霜露晞分房供客饌引彈落人衣採  
摘羣獠獻生成一物微洞庭嘉橘貢玉食兩年違

筍

瘴嶺叢生竹分餐筍味甘助鮮金豉入脫縑玉嬰含汨  
沒知全節豐腴戒過貪往年鰕菜伴此味在江南

至日赴新甯途中作

隆陰奪歲序風日常慘淒我攜微陽來遠度扶江西連  
山覆寒雲草木黯天低陰森熬莽內老鶴作人哢似省  
江漢地童穉驚鼓鼙榆柳避野色當春不能穉今年冬  
久晴日暮見虹霓正當一陽始嚴冬暑寒谿消息況於  
人庶覩蘇羣黎尋思 雙闕迴待漏聞天雞冕旒朝

紫宸仙仗豹尾齊朝衫隨班行鑪煙拂金猊自始憂寇  
亂歸來理荒畦屑屑塵埃間奔走無常栖仰視頭上日  
寒暄互推擠祁寒屬運分亦自有端倪端如亂源萌忽  
忽至顛隤生意苟芽孽枯芟潤芳萋二三老大臣安敢  
忘提撕予懷實耿介所歷甘塗泥撫景三歎息攀崖還

杖藜

展江中丞故居感賦六首

行役艱難際淒涼哭寢門山川餘寂歷旛旒盡飛翻落  
日青林屋孤雲老樹村亂離仍靡定灑淚問乾坤

向日聲名大清時寇亂深風雲孤淚落江海一星沈異  
域蛟龍匣淒風檜柏林史臣千載筆牢落故園心

舒廬未可棄一死抵張巡世亂才須惜人亡國亦屯孤  
軍成束縛餒寇最酸辛三十年來事誰與秉國鈞

凜凜龍城姿專征羽檄飛軍威回眾望天意變危機本  
謂援陶侃翻成任費禕樓船盡乘勝穩載毅魂歸

白髮王珪母升堂淚總垂諸昆能繼續多難復旄麾感  
激平生事聲名異代悲孤雛復奇偉身後見畱貽  
駐馬寒雲色孤飛亦不還林園通德里雨雪少延山樸  
拙文章契依違幕府班懷賢兼感舊吟望慘塵顏

感懷三首

蠻村一冬盡危世百端難雪片迎人舞梅花笑客寒藥  
鑪添況味酒盞入悲酸兩膝通宵冷真知骨髓乾  
歸夢悵悵地離愁漠漠天爲誰終歲病長祇寸心懸聚  
散從人付流離自古然爲生真孟浪無補到中年  
入口齏鹽拙孤身道路長自從憂戰伐不敢問行藏好

直才難見多憂性總戕無窮家國事一倍涕淋浪

戲示曾

衍黃劉卓漢羅聯芳

三絕句

曾侯磊落人中豪處置萬事如鴻毛有時獨坐碧山靜  
月落未落霜天高

劉生善酒真酒龍酒酣談笑更從容  
獨抱梅花過一冬

羅君得謗十年深我往招之出碧岑  
食粟本同天下責  
莫負希文畫粥心

黃橋戲示李亮南

李氏好昆季得天無矯飾和柔相溫煦自我一家則老



耀性勤勤從我走荆棘崢嶸冰雪場  
勉強無難色老滋百無嗜得酒生羽  
翼飲如長河水倒注溪澗仄又頗識  
老亮笑面謝邊幅終朝抱甕飲相對  
靜默默掀然酒力作發言無少息欹  
斜行步內霏霏開胸臆爲人絕短小  
鬢髮亂如織踰跟舍我去使我心長  
憶今朝苦寒冷長路憂轉側就君求  
酒傾冉冉日西匿火微瓶響寂風靜  
鑪煙直岸巾孤盞旁聊欲觀酒德

桃花坪早行值雪

料峭餘寒昨夜生窗前折竹過風聲  
斷雪邱壘行邊曉飛雪關山著處明  
槲葉人家豐歲意梅花官路去年情

書生報國無戎馬慚愧窮荒識姓名

晴

微雪昨宵盡長途曉日生蠻天四時瘴邊地一冬晴楓  
枯霑寒色灘碁雜遠聲孤懷增耿耿憂國寸心明

舊視蓬萊草冠裘值晚冬雪消東省竹晴對掖門松破  
帽愁荒徼危樓望積烽奔馳多病地盡減舊時容

重遊雙清亭二首

霜雪頻移歲江山復此亭漲餘沙淺白愁外樹深青鳥  
雀寒聲寂魚龍夜氣腥滄浪遺詠在扶棹遠來聽

東山雲欲晚孤坐對岩巖天地餘迴合星河與動搖水

痕全露石梅信暗通橋竟日憂時意蒼然鬢髮凋  
展陳參政祠

兩杉畱得乾坤在一宿依然棟宇新南渡文章餘獨步  
蠻荒草木泣孤臣青衫牢落前朝地白日棲皇萬里身  
詩老已亡人事變遺祠古驛倍傷神

黑田古杉歌追和南村詩老作

邵陵之東兩古杉柯榦磊砢畱堅黠暫披冰雪挂巖谷  
高藤老葉天所芟大枝蟠拏瘦蛟舞小枝屈曲生鐵嵌  
春雷劈山勢戛厲凍火燒野光燐燄榮枯生悴獨無與  
矗立天地森鋒鋷畱貽兩榦閱塵世來往此驛紛郵籤

孤臣黯立氣淒竦烈士卻顧神森嚴我來濱江一畱宿  
短後策蹇馳兩銜巍巍尙負堯年雪枯瘁恍對秦時髯  
簡齋草堂在東序下馬入戶肅觀瞻中原萬里兩詩在  
曾爲此樹親題緘至今蕭颯風雨夜如聽戛擊鳴韶咸  
南村詩老復晚出其時海寓方熙恬號召吟徒鬪長句  
造化恟怳愁鐫劖我無蘇黃老健筆寄讀欲和慚鄙弇  
嗚呼詩老已淪謝危言高論誰能鑱干戈格鬪江海沸  
古人雖往今當監南村表幽寓感憤世俗頗亦叢譏讒  
我思草堂當配食視古賡唱相和誠杉乎鎮立無摧朽  
有來瞻視山巖巖

長塘鋪

市鐙初恍拂驛樹故分明醉宿今宵酒愁延去日程稀  
星開闔影荒柝短長更楚境猶多事間愁傍枕生

永豐道中

吾家湘北接瀆流二水中分笑浪游歷落山川鄉國夢  
參差煙雨市門樓魚習鳴柵江流穩舄帳戈船雪夜愁  
投老惟思理煙艇世情蕭瑟付滄洲

永豐過趙司馬

煥聯

劉孝廉

象恆

朱博士

熒

亂後始相見歲暮風日好我通西南貢溪洞得幽討諸  
君亦棲皇努力盡懷抱要求匪素性齒牙怪翻倒三年

民氣荒溝壑有浮殍求助閭里餘軍費蓋微妙英英老  
宗伯應天才不小赫然誅寇亂視師出江表奔走及吾  
輩芻蕘微草草古人所未經豈曰非恆道棟橈而鼎沸  
烏兔羣生擾譬若父兄然服勞不宿飽苟能贏厥家忍  
聽坐而槁嗟生雖已微此義智者曉不見征戍人感激  
塗肝腦戈矛日幡幡氣勢近堅老諸君睹功成豁若秋  
電埽刈萁與剗豆吾當雜傭保

### 過湘潭

南瞻桂海接炎洲北望烽煙照石頭一步一傷今楚國

三年三過古潭州

三年來並以臘杪過此

山低晚照連天盡水落

寒沙帶雪流今日籌兵功不細孤臣猷猷敢忘憂

有感

鈞天閶闔晚煙重喬木森森故國容退食經綸溫室樹  
早朝霜露景陽鐘平時黃霸應多鳳終古華歆共一龍  
眼看堯封荆棘滿從知歸計爲雲峯

紀異

月臨於亥日在房焚巫不雨乃恆暘嗷然水嘯波揚揚  
噴起一落三尺强蹶涔之水皆騰驤是時無風日色黃  
勢涌而上如探湯起瀆達湘難具量證以所見非渺茫  
五行紀異以類詳水動而順德之常厥微無乃陰干陽

洶波東汨徐與揚有水不得施舟航感而上騰氣滂滂  
吾亦衡流而方羊洪範曰咎僭蒙狂何以徵之德否臧  
敷陳五行備其綱請君視此知時康不用瑣屑稽災祥  
重宿檀木嶺五首

英英嶺上雲肅肅嶺頭屋屋深雲去來但訝徂年速鳥  
飛鳴向人頗亦勤客宿歲晚小休憩肆意餘豚犢

二月誼寇至烈火雷霆聲陰風蕩四林窅窅柯葉鳴嚴  
霜理歸駕嶺樹無復榮亂離身幾何對之難爲情

聖哲律天時夷險有獨立敝裘曳行路侵夜風霰入簷  
絲罽槁葉頗作枯蟲泣龍蛇歲寒逼道屈身亦蟄



喈喈鵲誼晨啞啞鳥噪晚鳴雕厲霜雪憂爾毛髮損沈  
昏導鵠鷗鬱塞天聽遠寒雞頗三號戒旦當起飯

短垣蔽眾草寒燠遞相鮮重芽翼一柱颯颯風動天不  
恃排幹力風雨徒茫然馮唐知悟主難哉頗牧賢

喜嵒讚至

歲月行知盡山林未厭深終畱吾谷在數枉故人臨萑  
苳巖園熟菖蒲石澗陰歸求神鼎社斟酌此時心

重感

玉帳牙旗任守邊重聞江漢日騷然威名盤薄皆虛假  
亂世馳驅亦苟全百戰初還唐土地連圻中梗楚山川

銅鞮爭唱襄陽樂豈念危城下紙鷲

黃淥西馮樹棠招飲連日

連日故人意招邀到酒尊客程松表路春信柳搖村消  
息荆湖阻關山雨雪繁誰知今夕夢樂事有田園

會合詩一首奉和曾少司馬

微生覩朝祿守拙歸田里結友賢哲徒涉念每自喜諧  
談契性命此外均敝屣浮名漫推許力薄甯辦此與世  
相背趨放浪安所止欲持微賤軀爲人負弩矢髀肉雖  
豐碩其實易與耳羣盜乃相欺猙獠劇豺豕濁穢大江  
流妖氛漲清泚我公才傑立目奮髯張紫長幢駕巨礮

水立江翻底蠻頭排如鼉氣奪鼓聲死稍收版圖舊遂  
窮日星紀劉侯綸兩巾山川供顧指高拱論成功先幾  
頗預擬疏虞誤小寇夜半斫雲壘長才賭一戲手搏而  
角抵囂然避其鋒踵決足忘履濤頭踏小艇危步幘墮  
水訾訾與諛笑相與利吻紫盡以人力勝一杵天可倚  
空山眠睡足吾亦拂衣起旁人相告言質質然來矣慷  
慨談世務幾不攘詢瘠卧龍世交謫眇眇況小子迂儒  
浪愁歎漢祚固多祉艱難紀會合高論諒非侈人事如  
轉圜誰能究終始顧惟蹇劣姿野哉硜硜鄙羣材斐然  
集內省爲愧恥從容雅歌會顧與陳阮齒老顏行鬢鬢

吾衰日可俟大詔可榜檄薄器徒竄訾

再和會合詩奉荅劉孟容兄

東西楚連疆中間亦千里聞來雜疑信乍見各悲喜  
躑躅途蹇行步奔蹶兩芒屨形容五石瓠適用無彼此  
日月轉兩丸跳盪無時止區區挾其身毒若弓注矢希倖  
千載名此念真妄耳大小笑鷗鷖知頑判龍豕謬許良  
與平語重顏爲泚承平習雅步嚙沓拖朱紫老蹇無妍  
姍汨沒沈冥底上書蒙領可終然飢欲死皤腹理朝簪  
爲時植綱紀寇攘始魚休赫赫叢視指谷空風有隧誦  
詩工比儼頗聞兵家言樹壁務堅壘厲階今爲梗機動防

罇抵時危與人出鬻鬻尚書履民勞可小汔監民曷監  
水魯連詘田巴不在矜瓜觜屯師若歸市遠近長城倚  
高穹有迴斡目睹瘡痍起成功在本務此義蓋微矣一  
挫豈逆料指摘成疣瘡我思伏青蒲芒鞋見天子敷  
陳本原論爲民介繁祉世俗睹一隅麗言相哆侈內攘  
而外瘡端自求賢始區區校得失見小聖所鄙一夫使  
橫行要亦吾輩恥鄴湖百川匯水激石齒齒仁含與義  
正澄清且徐俟君詩幸張大吾亦效衰喆

得王比部

柏心

消息卻寄

江漢頻年著釣槎春來還發渚宮花他鄉遠訊今無恙

勞世浮生古有涯  
遼左管甯猶避地  
侍中何點早還家  
廿年樂府新聲在  
畱得煙塵浣鬢華

船具詩

有序

張少尉

德堅

李秀才

文鶴

船具十詠  
蓋陸魯望皮襲

美所賦漁具茶具之屬而所舉間有未典舟居多暇  
稍補正其名爲賦十章

篷

泛泛烏篷穩江湖  
柰爾何行藏依荻葦  
出沒雜黿鼉  
醉倚窺天小  
欹眠聽雨多  
浮生何處著  
分付與滄波

帆

待縱青冥力吹噓值等閒濤聲兩岸雪雲影一船山得  
勢仍高舉回風或引還身檣與錦纜前路好追攀

篙

灑落雲霄志脩然寄此生江湖依直道水石激孤撐揮  
弄原非性提攜豈近名通津甘引避苦作急流爭

槳

勁櫂資飛動由來集眾工翦流龍掣海掠水燕分風老  
氣升沈定洞波宛轉通蘭橈兼桂櫂采斲楚山空

櫓

大艚橫江下騰騫若有神長材旋轉捷危柁比依親飄

督操全力咿啞滿要津勞薪君未免才地亦嶙峋

檣

羣工持緩急植立乃無爲大海風濤湧高颿雷雨垂斯  
時肩遠大端拱濟艱危收泊神功斂天然不用奇

纜

繫纜滄江上思君挺節初孤椿原有繫直性已無餘繞  
指神操縱忘機信卷舒利行非爾事安坐送吹噓

百丈

襍積羣資用艱難各效能九州多沸鬱百丈且飛騰苛  
索愁空袖糾紛急引繩仍防中斷絕長路總淩兢



椴

亦知形蠢蠢未敢懼推擠萬斛排風定孤根插水齊潛  
身相繫屬甘分委塗泥抵觸從人厭無緣去角圭

柁

舳艫天下巨孤柁寄微權控馭雲濤色掀騰漲海天如  
何全局繫翻使眾工先寄語操舟者斯謀恐未然

題羅研生同年蒼松老屋圖

松堂老人鄧夫子屋後松聲三十里石潭亦有學士家  
老屋峩峩松樹底松枝盤拏二百年兩家人物今誰賢  
名山祕笈世無有楚老風流相後先西山蔥鬱昭潭路

故家千里春陰暮聲名塞天居閉門路人但指蒼松樹  
松下芝蘭階下草百年作計君家早黃金爲室白玉堂  
不如君家松蔭長

煤根居士寄示桂井尋秋詩次韻奉會

吾鄉詩老代有作各紉蘭佩攀芳蓀穹巖大嶂闕聲響  
亦有萬古荒山蟻詩家祖述周孔業導水遠滌崑崙源  
誦詩觀政有本學肯隨萬古濤瀾掀七言流別況微眇  
君近選七言流別集名家踵出誰討論嚮壁造書肆瀏  
自唐訖明十有八卷覽談笑卻看黿鼉奔昌黎雄放困韞勒有似駿馬服短  
轅後來聲調強賡續魚水吸呷相吐吞我老無能百事

廢把卷纔哦心已煩升堂入室曹劉百茫昧詎辨誰家  
門干戈離亂將一紀世事春夢尋無痕孤臣獨醒久自  
放安用攬揆傾芳尊緩公好事付吟嘯有手飢溺無能  
援空山偃仰發深喟與君但未乘高軒千齡萬代君詩  
在嗟予卷舌終何言

再題羅研生同年蒼松老屋圖時在章門水師作

君家老松作奇語幻入詩人三寸楮紛紛題贊皆老蒼  
我亦龍鍾爲起舞高柯偃蹇不諧俗肯使低顏入庭戶  
此松開闢已槎枒此屋亦是高曾矩東鄰西舍盡喬木  
日夜摧落尋斤斧知君老抱松根臥飽看溟濛變煙雨

屋中圖史塞牆壁屋外江湖慘鼙鼓一朝蒲輪應嘉召  
滿眼飄蕭赤白羽酒罷掀髯說鄉井恍怫柯榦親摩撫  
我思往觀怯行步夢寐雲濤湧堂廡松毛尺寸異樅檜  
松耶樅耶勞訓詁頻蒙羽書索朽句提筆敢與諸老伍  
偶然照鏡老顏至始稱蒼髯貌奇古不嫌唐突君家松  
大筆鐫鐫誰敢侮紫塘烏石盛人物聊此紀載存風土  
後來卜築名綠漪竹韻松聲裊相拄遺楹尙守堂構舊  
旁霤亦藉雲煙補問君老屋舊何有辭藏碑版塵蒙釜  
斑斕照壁周秦器樸拙傳世井田譜請君安巢宿松頂  
磊砢豈合塵埃處承家簪組付兒輩湖山自署一廬主

生平作詩多散佚不自存錄丙辰夏將謀入都乃稍  
檢錄之得詩九卷以示羅研生同年研生乃檢行篋  
爲補錄三詩於後則皆稿本所不存者也蓋自三十  
六七以前歲常得詩數十首而失佚爲多自是以後  
並詩亦不多作矣才力淺薄重以荒廢訖無一成閱  
研生補錄各詩爲之憮然

嵩燾記